

kisiem toutou ahi hi. Dahkaal 24 sung duty ngai ahia, Satan mun na ot leh na innsung suhsietna diing in a manlang mama diing hi. Pastor-te leh upate'n I innsung ang siempieh diing ngahngah lei i-ngah kaal in tate ana muolkhum manta diing uhi. Laphuotu khat in,

*"Envawi nu na tate, gawtmun lam juon in;
Apei zing uh han in hankin meng in;
Samgibang nakhen diing khu na ngai ngam nai?
Kumtawn in zong mu nawn siateh!
Han kin in ahun lai in, hankin in a kikhel man;
Hankin in hun in nang hing ngah lou diing,
Thangvan gam khopi dawngkot na tun chieng in;
Na vontawiteng akim na diei?"*

Tate khu gou thupipen ahi uhi. Gou thupipente a diing in tha-le-zung, sum-le-pai, ngaisutna leh hun bangza ipie uoi? Naupangte hinkhuo leh siemsinna a chitu kisam mama hi. Eima haichite khu naupangte huohbu (brain) sung a kichitu ahizieh in a haichi mama eima'n

inei uh angai hi. I haichi tu maimai tawh hun hilou in ang khanphatna diing in kep leh khoi angai a, hampa leh ling-le-khau ajam khumte ihasieng gige uh angai a, I louma uh hoitah a hawsieng gige angai hi.

American Dream chia kigen minthang khu "To give a better America to the next generation" chi ahia, "Khangsawnte kung a America hoizaw pieh diing" china ahi hi. America hoizaw chi pen in hinkho nuomzaw a kivaihawmna, neehsuina, khosahna, etc. te ahuom hi. Zou nu-le-pate'n zong khangsawnte kung ah Zogam hoizaw, khangtouzaw, hinkho nuomzaw, galmuongzaw, kivaihawmna nuomzaw, neehsuina nuomzaw, khosahna hoizaw leh nuomzaw I nuasie diing uh kisam mama hi. Tua diing a ama iphuuh diing uh kisam a, khangsawnte'n imaban uh hoitah a ang jun thei diing uh leh ang hoisah semsem diing uh kisam mama hi.

"Naupang apeina diing lampi ah chil in, a upat dong in zong tuate akipat in apeimang sih diing hi" (Pro. 22: 6).

sutzop ding.....



Khristian Tangkou simtu zousie Mangpa Jesu hundampa Mang Immanuel min toh chibai hoi pen ka hing buh hi.

Pasian in Kum tung thei dinga a hing puitah zieh in akung ah nuom thu itut uhi.

Hunte hing kihei tou zel a tu in ingah la mama uh Khristmas leh Kumtha 2012 hing tung bai tading ahi. Mite kinepna Hundampa Immanuel (God with us) Mangpa ei kung ah a um akichi bang in eiten zong tukum Khristmas leh kumtha hun sung a Mangpa eite kung a aum theina dingin pan la in hanchiem va ui.

Hattuum tamtahten Mangpa hing pien ding guolnop leh Vaiguon Programme te ibawl zouta uhi. Ahi silkhat abihtah a guolnop ibawl chieng in leh Feast (Neh leh tah bawlina) leh Festival (Hunbi nei a lungdam silbawl) thei chien lei a dei huoi hi. Khirstmas kichi hi. Khristian tengteng a ding a Festival (Hunbi nei lungdam sil bawl) ahina ah, tuolsung Hattuumte a pilvang mama ding uh apoimaw hi. I tup uh nim ngal a kapkhiel lou ding ahi. Tua mi i gennuom na ahileh Mangpa Jesu hing pien in nang leh kei leh Vannuoi a ding a bang ahing sepdoh ahiei (Jn. 3:16) Pasian in Vanney a it sengseng a tuachin a tapa tang khat nei sun Vanney khelna hundam dinga ahing pieh ahi chi i thei zing ding uh ahi. Tami Khristmas hing kibulphuna pen Hattuumten ing mansuo chieng uh Feast (Neh leh tah bawlina) maimai ahing suoh tading hi.

Bangchi kizat ding e? ahi theitan in Khristmas hi Pasian kung a tudinmun i tan theina uh kipahthu gen ding ahi. Bangteng a kipahthu gen ding e? Ama khuo leh tui leh a Tapa

in shi ki it lou a ngiem tah leh kingainiemtah a a hing pien bang a ei ten zong kingainiemtah leh ki liensah lou tah a hindan i zil ding uh ahi.

Tuazieh in Sapten Resolution a chi bang un tukum Khristmas leh Kumtha hun pen Pasian gam kehletna ding leh ama Pasian hing bete i hina uh a bangchi bang in thupuana i bawl ding uoi? (Isai. 9:6). Aziehpén ei a ding in naupang a pienga tapa pieh in i umta hi. Aliengkou ah vaihawmna akinga ding a, Lamdang, Thumoppa, bangkimbawltthei Pasian, Kumtawnpa, Lemna Mang, akichi ding hi. Nangma ah lamdanna piengsah inlen, thumop-siemna hing nei inlen, Pasian muong in bangkim Ama toh bawl thei ding, zausin azieh ahileh kumtawn (eternal) a hing pui pa ahi. Tuachieng in leh na innsung leh Hattuom leh khotang ah lemna gasuo sah tan.

Simtu te tengteng Khristmas leh Kumtha chibai ka hing buh hi.
Mangpa'n thupina tang taken.



Innsung kisietna haichi kitu in ga asuongta a, hunkhatlai a ijahthaw maimai hilezong tuni'n mittang a muthei diing in sietna haichi in sietna ga asuongta hi. Africa ah tambang mihing sietna (Human crisis) zieh in tuolgaal, neehguhna, thanguoia leh AIDS/HIV thaang sengseng in Hollywood film kibawl tampite'n "God already left Africa" (Blood Diamond, Tears of the Sun, Hotel Rwanda?, etc.) chi kammal ana zahte uh Zogam a bulthei diing in Zogam a qualified mamata hi.

Tami tawndan (culture) khu speed kilawm huntawh khat tawh shina lam zuon a peipei ahita hi. A mainawtna (heading) ihen louleh kithuhlut deudeudiinga, khatvei chiengin kibunggam diing ihi uhi. Alarm bell leh SOS daahsat ahunta hi!!! Sietna haichi kitute'n ga asuongta ua, mailam ah hing gapha deudeu nalai diing hi. Tami haichi pen kungphua diing angai a, meilipi a haltum angaita hi. Ahilouleh khatvei chieng in ang valtum diing hi. Zou innkuon tamzaw thamte'n


sietnalām juon ihidan uh zong theilou in hunteng in i-kiniil zungzungua, buoisietna maituo ihilam uh theilou in lungmuong in i-um nalai uhi. Ahin, Zou innkuon phabepkhat in pan i-laah sawmta ua, tuate a diing in panlaah didan themkhat kikum lei ichi uhi.

Pa in padan siemlou; nu in nudan siemlou; tate bang suoh diing? Zogam siemphatna diing in innsung ah kilekia angaita a, Pasian deidan innsung siemkhetna diing in Pasian a piengtha nu-le-pa a-ngai hi. Satan khutzah muonhuoi khat in Christian innkuon bang achi siemthei diei? Ama kithunun joulou mihing khat in bangchi'n a tate, a innsung leh anampi a thunun thei diei? Eiman I innsung siemphatna diing a pan I laah sih leh koi in pan ang lahpieh diei? Mi zong amau innsung siempha nuom a, tha-le-zung, sum-le-pai, ngaisutna leh hun tampi seng nuom hizuh a! Innsung khu nikhat thu a siemphat diing hilou in niteng a siemphat toutou diing ahia, lamkaite zong nikhat thu a kisiem/kibawl hilou, niteng a

- | | |
|--|---|
| 16. Khamlianhang
Z/Colony - Rs. 200 | 21. PWF Tuibuang
Anntang Kg. 93 - Rs. 70 |
| 17. Tv. Tunbiahthang
Hq Veng - Rs. 50 | 22. Upa Suankhanmang &
Family Tangpijol Milk Liter - 4 |
| 18. Tv. Sanglian,
Kamdouveng - Rs. 50 | 23. PWF Aina Anntang Kg. 40 |
| 19. Mission Board, Zomi Colony
- Anntang Kg. 60 | 24. PWF Sabual Anntang Kg. 25 |
| 20. PWF Zew Zoveng
(Anntang Kg. 45 - Rs. 100 | 17. PWF Awnchinkapkhua
- Rs. 1420 Hausa puonsan
khat, Toka 5, Puonna 6, Puonvat
1, Khuttamkuong 3. |

Innsung a Hiemngamna Suhvengna Di'n

~ Khai Minthang
Texas, United States



2010 sung a thupienge i-et leh
tapa in a pa
thatlum, pasal
in a zi thatlum,
pa in a tate
thatlum a
ama awhlum,
kumchinglou

naupangpawngsuol, AIDS
a shi, shashi, etc. chite leh
shina gimnei a shi tampi
aumta a, mihingte hinna
in man nei nawnlou
abangta hi. Zogam ah life
expectancy pen genthei
ahi nawnsih a, kum in thu
agen seng nawnsih!!!

Tuni'n I Zogam ah
innsung kisie (family
crisis) khang hulhul a,
tuami gasuo guhtatna,
hiemngamna, khamthei-
guithei zongsahna,
AIDS/HIV, Hospice leh
Rehabilitation Centre
zong khang hulhul hi.

THU TUOMTUOM LEH THUMNA A THEI DINGTE

* Tulai in Syria gam, a khopi uh Damascus, Sawltah Paul pientha na gamte haget (8months) vel a pat democracy mipi vaihawmna dei in a kiphin phin mai uhi. Tuni November 25 tan in mi 3000 val Sepaiten akaplum ta uhi. Arab league kichi Muslim gam ngen 10 kipunkhawm ahi uhi. Arab league ten mipi kiphinte mawhtha tawp san a, akiphinten bang dei ahi uoi? chi kan zaw ding in achi uhi. Agam uah a Govt. Sepaite taikhie a mipi kiphinte zop pawl zong aum ua, tuaten zong Government sepaite a that vagiap uhi. Agam vaihawmpa President Assad ahia, kum 40 val vaihawm ahita hi. Agam ua vaihawmna hen danglam a aum a sakho zalenna ahingum a, Khristian ten zong zalentah a Pasian abieh theina ding un ithumna uah theichiet vai (BBC, Alzazeera News)

* Gol leh UPDS in kilemna Suoi kai ta:

New Delhi November 24, 2011: Karibi A nglong Autonomous District Council chi a um leng pen November 25, 2011 (Ziltawpni) chieng in Karbi Anglong Autonomous Territorial Council (KAATC) hen ding chi in kigen a, hizawng ahitah tah ding ahi tahi. Tam pen UPDS (Karbi helpawl) leader leh Union Home Minister P. Chidambaram in kilemna Suoi akai zou ua pat a zah pat ding chi ahi. UPDS Chairman Longdon Sena in zanni in Chidambaram leh Joint Secretary (N-E) Shambhu Singh akimupi a, zing chieng in Union Home Minister leh Assam Chief Minister Tarun Gogoi theipina in UPDS leh Government of India in kilemna Suoi kai ding chi ahi. Tam United Peoples Democratic Solidarity (UPDS) leh Centre Government in State Government, Assam theipi na toh Date 27, 2011 a Suoi akaitah dung zui un ha 5 sung a zah ding in economic Package dan in Centre in Rs. 350 Crore apeding hi. 6th Schedule a Para 3A nuoi a kigel bang in Council kung ah Subject 39 pieh be ahiding a, Karbi Anglong mipite leh tawndan humbit leh kepbit ahiding hi. Date. 28 November, 2011 zingkal 8:15Am All India Radio English News in aphuong dan dungzui in Centre apat sum zong direct in a State Assam tawn lou in Karbi Anglong Territorial Council ah a DC tungtawn in Check in atung tading hi. Tambang ana hingai Mizoram State sung ah Chhimtuipui District sung a Lai District leh Mara Districtte zong ahi uhi (Lamka Post 27, 2011 issue leh All India Radio English News).

Report

- Upanu Muongneichiin
Jubilee Secretary
Suolam District.

Date 13-10-2011 kipahumtah mai in Pasian mapuina in Suolam District Pate 20 veina Session leh Nute PWF leh PYF 25 chinna Silver Jubilee Khawmpi nei ahia, Date 13-17 tan hun zah ahi dt. 14-10-2011 ni in PWF leh PYF in Session vaihawmna akinei hi. Tualeh dt. 15-10-2011 ni in Pate vaihawmna anei uhi. Tuami kiginni ma in Jubilee ten vohkhat kithat in mipin Anneh na akinei hi. Tualeh dt. 16-10-2011 ni in Pasian ni zingkal in khotuol Local ten Jubilee min in Bongtal khat akithat hi. Tuazou sun dah 10:30 in Jubilee dahsatna akinei hi tuazou in Silver Jubilee suong Honna Beiltu Pastor Rev. Mangmuanthang in laisengthou Leviticus - Siempudan 25:10 na leh Galati 5:1 na sim in Pasian thu leh Jubilee ngaidam koi tapou ki lungnop loute zousie zong tuni apat in ngaidam ahita chi thu tomkim gen in suong

honna anei hi. Tuazou in bawl ding teng bawlzaw ahi zou in thumna nei in Silver Jubilee Suong honna zaw ahita a, tuazou in mipite Biehinn sung lut ahia, Aw Kalvari tang khu ka galdot a, chi Pasian phatnan akisah hi tuazou in puituten hunpatna aneikia a Jubilee Secretary Upanu Muongneichiin in kum 25 chinna Jubilee Committee a vaipawte minsutna anei hi. PWF te tua leh PYF te kum 25 chinna vaipawte Tv. Mangminlien in thusutna anei hi. Tualeh thu sutna akinei zou in Pasian phatna lapawl ngaitah tahte leh laa ngai dangdang te akisa hi. Tuaban ah Upanu Muongneichiin in ipu, ipa-te sah bang in Laa khat aphuo hi. 1987 September ha 20 nin Suolam District Sugnu mun ah Sien chin thu khaubang sutna hi e nute khawmpi chia min vaw ni hi e) min vaw ni hi e

lawchingtah in mang zou uhi.

- 6) Tuivaikual district PWF ten dt. 14-16 October 2011 sung Hiangtam (B) P. Church ah 'I Samuel 1:18 na, Nu tahtah chi thupi a zang in Rev. Mangsuanthang Biel Pastor in thugenna nei in lawchingtah in mang zou uhi.
- 7) Singngat district PWF ten dt. 14-16 October 2011 sung Tangpijol P. Church ah 'Thupilte 31na Numei hoi' chi thupi a zang in Evan. Miss Pauchiin in thugenna nei in lawchingtah in mang zou uhi.
- 8) Lentang district PWF ten dt. 21-23 Oct 2011 sung Bawhlui P. Church ah 'Johan 14:6na Kei lampi leh thutah leh hinna khu ka hi' chi thupi a zang in Rev. Lamsuanthang Biel Pastor in thugenna nei in lawchingtah in mang uhi.
- ZPWF Orphanage Home Tuunnu liimbel Zomi Colony a silpieh kimudan tam anei a bang ahi.

September to November 2011

Tunnu Limbel silpiahte pete:

1. Syenu Ngaihoiching V. Bethel - Rs. 50
2. Kamkhogin Central Church - Rs. 100
3. Nenei Awnchinkapkhuo - Rs. 200
4. PWF V. Bethel (Anntang Kg-9 - Rs. 230
5. PWF Tuibuang - Rs. 70
6. LCC, N. Khaukual - Rs. 270
7. Floria, Hatnu U.K. - Rs. 10000
8. Gunpang District - Rs. 282
9. PYF Lentang District - Rs. 1175
10. Ginminthang Behiangtung - Rs. 100
11. PWF Lentang District - Rs. 589
12. T. Lamchinhau LDHQ - Rs. 200
13. S. Nangkhanlal & Family Central Church - Rs. 3000
14. PWF P. Suohzahaukhuo - Rs. 600
15. PWF LDCC Anntang Kg. 55

ZPWF Column

1st September - 2011 to 21st Nov. 2011

Pasian mapuina tawh tukum 2011 a ha sawmna (10) tan a i galkai theita zieh un ahing mapui pa Pasian min i patawi masah uhi. Tualeh kum chin a PWF khawmpi Oct. chin a i na man zel dungzui in tukum a ding in district chin in Pasian mapuina zal in tam anei a bang a lawchingtah a man ahi.

- 1) Central district PWF ten Dt. 14-16 October, 2011 sung Ephe. 6:10 Pasian galvankim in kithuom un chi thupi a zang in Aina P.Church ah lamkai tuomtuom ten thugenna anei ban uah Seminar toh thua in lawchingtah in mang uhi.
- 2) Lamka distrct PWF ten Dt. 14-16 October 2011 sung Hiangdung P. Church ah Gal. 6:9 na 'Silhoi bawl seda sih va ui, chi thupi a zang in. Evan. Nu Niangzaman in thugenna nei in lawchingtah in mang zou uhi.

- 3) Zoutang district PWF ten dt. 7-9 October 2011 sung Buhsau P. Church ah, 'Thupilte 31:30na Numei Mangpa zatat dan siem' chi thupi a zang in Rev. Kapsuanthang Biel Pastor in thugenna nei in lawchingtah in mang zou uhi.

- 4) Tuiningkual district PWF ten dt. 14-16 October 2011 sung Tuining P. Church ah 'Joshia 24:15na Mangpanabousemva ung' chi thupi a zang in lamkai tuomtuom ten thugenna nei in lawching tah in mang zou uhi.

- 5) Gunpang district PWF ten dt. 14-16 October 2011 sung Saiboh P. Church ah 'II Kor. 4:18na, Muthei lou silte ah ka lungsim ka nga zaw uhi' chi thupi zang in lamkai tuomtuom ten thugenna nei in

Sugnu phaizang mun ah chih chieng tuong hing tung diei chia i gal dotdot tu chieng 25 chinna Jubilee tuong hing tung e. Halelluia Sien min phat vai e) Suolam District tangbang dam nang ka thumthum Sien kung a ka thumthum tuchieng Sien in sumbang hing tuo e) Sumbang tuo mel mu bang kim chiin leh tuoi u leh nau leh lawm leh guol aw, nunnuom ngah bang i heikhawm nou Sien hoina hi e chi late sa in Pasian akiphath hi.

Tuazou in Jubilee Message Rev. Zamlianpau in kipahtu tomkim genna anei a, tualeh Rev. Lamsuanthang Moderator, ZPCS in Pasian thu Jubilee ngaidam ahidan thute zang in tomkim in Pasian thu genna anei hi. Tuazou in kipah silpieh Memento hawmna akinei a PWF te Prize Upanu Dondeiching in ahawm hi. PYF te a pen Bieltu Rev. Mangmuanthang in ahawm

hi. Prize te hawmna akineizou in sun hun zaw ahita hi.

Tuazou in 1:30pm vel in Bieltu Pastor Rev. Mangmuanthang in Sacrament hawmna anei hi. Nitah dah 4:00pm mipi Annkuongluina a um a Anneh mi a tam mama mai hi, tuazou in nitah 6:30pm in Pasian phatna akinei kia a, hun bangtan zah zaw ahi zou in nitah hun zaw ahia, Zan hun ah Rev. Lamsuanthang Moderator ZPCS in Fellowship Puitu hina la in noptah leh kipahtah in damsung a gen zing ding khop in ang pui a hun noptah a zah ahi nua in hun top na ding in Tuana simthu sutleng maw chi laa sa in hengla pumpum in Upa Khaihenthang in khawmpi leh Fellowship zawna hun akha tahi. Suolam Districtte Mangpa lungsietna nahpitah in ka tang uhi. Pasian minphat in umzing taken. Amen.



Hundamna leh gingtu hinkhuo Crusade

Amun : Shillong, (ZPCS)

Ahun : 9-20, November 2011

Speaker: Pastor Mangsuanthang, Tuivai District.

Amasa in, i bieh pa Pasion kung ah kipahthu ka tun masa hi. Angpui dan te loupi kasa a, Asau a tawm lam hilou in, Shillong Hattuum pawlpi te ah, Pasion thu duhna ang neisahna tungtawn ah kipah thu ka gen sawnsawn hi.

Tualeh a Hattuum pawlpi (ZPWF) Numei pawl te tung ah zong kipah thu ka gen hi. Amau pan a Pasion thu a kipuonnate tungtawn in Pasion in amimal chiet uah guolzawl taken. Aban LCC te kung ah zong kipah thu ka gen a, Nupite malana ahi chilou a, ang tel pieh chiet zel zieh un Pasion pawlpi (Muthei ah) enkoltu te Hagau ah mitva semsem na hi peh taken. Hun zatdan tangpi teng tambang ahi.

- 1) Crusade Honna Rev. Khamchinkhai in nei in, tuazou in Crusade pat ahita. Tualeh azawhna zong Pastor Khamchinkhai ma in ang khahsah tahi.
- 2) Mipite ahileh - Gintat sangin kilopzawtham in ka mu hi. Pasion thu in nang leh kei lam ang sui chih thu nasatah in a kigen hi. Tualeh mipi te kai leh kailou halthoh atam zieh in, gen ding tami umlou hi. Tualah ah Nupi lam regular a hing kai mi 10 ten aphattuompi dan uh ang hil hi.
- 3) Tutung Crusade ahileh Sermon na khat zong zanglou in, akipat ni apat white board zah ahi hi. Tuami tupni (a) Aging Pasion thu genzah (b) Mi a mu tup ahi hi.

Tuami atup ahileh anua leh apetpet a Pasion thu gen in khiel ang chi dan leh hundamna angsiemsah dan te ang theichiensah

Dohna leh Dawnna



Dohna: Kumchin in Jesu pienni chiin December 25 i nid leng ua, tun zong hing tung pai ding ahita a, Bible ah atuong khasih a, ai manna zel pen a dihtah nang hil thei diei?

*-Pu Vumkhangou
Zomi-Zion*

Dawnna: Na dohna khu dohna poimawtah ahia, miten zong ang dohmun mama uh khat ahia, Jesu pien laitah a va kium khalou akizieh in genchet dan zong hamsa kasa hi. Hinanleh malai a miten Khristmass ni khu kichientah in ana theizousih ua, Bible ah zong a tuong khasih a, December hasung leh January hasung ahei in amau kituohna pen pen un ana nid leng uhi. NICEA Khawmpi aneina uah khovel a tapidawte zousie ikituoh theina ding chiin kumchin December 25 khu Jesu pienni chiin nid leng tavai chiin thu ana lelpua ta uhi. Tuazieh in tunitan in December 25 khu Khristmass pawl chin Jesu pien tanpha chin ina nid leng uhi. Hinanleh

chipawl khenkhat i um nalai uhi. Bible in a gen khahlou i niel zelleng uh pen dihlou hi chipawl um veve hi. A bangeng hileh December 25 i nid pen in siemmaw tanna ding leh siemtanna um in ka ngaisut sih a, i lungsim ahizaw hi. December in vangam ang tut ding ahisih a, gawtmun a hing pulut ding zong ahi tuomsih hi. Bangteng hileh Hattuum pawlpite ikithukimna khu a dihtah ahi mai hi.

Rev. Vungdal in a damlai in December 25 khu Jesupienakisimpina (General Census) bupi a gellut (Record) ahia, a gingta theilou ten vapei uhenlen Rom khopi ah min gelna bupi vaphen in vaaki etta uheh achia, Bible a a tuonlouna pen ani sang a athu apoimaw zah zieh a ani kigiellou in a thu kigiel ahi, chi hi.

*- Upa Khupsuankham
Contributing Editor*

meltheiloute lah ah gawtna leh engbawlina i tuoh a, suhgenthei a i um in zong Pasian i kunguah a um hi. ‘ Immanuel’ Jesun kei na kunguah kumtawn in vannuoi tawp dong in zong um vang achi hi. (Math.28:20).

(b) Chimaw mangbatna ah, Mangpa ah kipah zing un chikia leu leu vang nuom un chipa khu hamsatna, lungkhamnate thuoh ngailou hilou in genthei tah a gawt a um a, khatlam khatlam a nehden a, umpa pawl chi ahi. (II Kor.4:8-9)kuong sietna a tuoh a, tuipi tung a chimawpa Judate satluplapan hamuonna thupitah nei hamuonna thu nempi tah a gen hi. Apostle Paul sang a hausa leh chimawnatuoh um ding in koima ka gingta sih hi. (IIKor.11:25-28). Hinanelh paul in Pasian ‘Immanuel ahian

a muchien deudeu hi.

Hizuh a, Pasian in taga ding leh lungkham mangbang ding in ang taisan sih a, a loupina a kithuom a loupitah a ang peikia mangsang in ‘Immanuel’ pasian ahina in ei atate hamsatna lungkhamna, natna, satna, chimaw mangbatnate i tuohlai un zong ang umpi ‘Immanuel’ tuami khu i kunguah Pasian a um hi, chi thei vai.

Thuzawna, Unaute aw, bangchilai tan in i kunguah Pasian a um (Immanuel) ahi i theina kipat in lungmuongtah a Pasian phat a kipah tah a um ding a hantawn ihi ua, Pasian hing piching ding zong i kunguah ang umpi ding hi chi thei va-ui. Simtute zousie Mangpan hing guolzawl taken.



semsem hi.

4) Gingtu hinkhuo a na beh te zong dindohna tutung in Pasian thu nasep tungtawn in, Nupi khenkhat ten dindohna amu uhi.

5) Shillong nupite felna - Tua khu Pasian a pat ahina tungtawn in - Pasian thu pen ahun hi in a hunlou in zong a kigen mialmuol hi. Tuami gen hileh genlou hun in zong Pasian thu ahina toh kiton in na angsep pieh

zel hi.

Pasian mapuina toh kipahsie ahi dungzui in aging abeinua in zong Pasian in athu kigenkhia te ang zat pie ding chi gintatna lienpi toh akinei hi. Awle, tamtan chieng a ang pui i Pasian kungah kipahthu kagen hi. Tuaziehin, i Pasian in thupina, loupina, Lalna tang taken.

*Reporttu
Pastor Mangsuanthang
Tuivai District.*



THEISAHNA

I Synod Calendar dungjui in Financial Year Closing December 31,2011 ahia, Hattuum chin in Office a sunlut ding a kilawm sum-le-paite ahun lap a hing sunglut chiet ding in iki theisah uhi.

KhristmasSermon**Jesu Khrist Hing Pienna Dinga
Khawvel Kisahkhawldan***(Mk.1:15; Gal.4:4-5)*

- Rev. Hangpi Manlun

Awle u leh nau lawm leh gualte I bieh Pasion puina toh kum 2011 Khristmas melmuthei ding a hing puitu Pasion tungah lungdam thu igen masa hi. Tutung in Mangpa Jesu hing pienna dinga khawvel kisingsah dan tungtawn in houlimna inei ding uhi. Tualeh Jesu hing pien masang kum 500 vel in Jawlnei Mica in ana puong zouta hi.(Mica.5:2). Tuaban ah Ngahnu siengthou hin ahiding thu zong a pien masang kum 700 in Jawlnei Isai in ana puong zouta hi.(Isai.7:14). Tuabanah amin ding zong ana gen zouta hi.

Tualeh Sawltah Paul in, “Hinanleh ahunchiem ang tun bukim tah chiengin, Pasion in danthupieh nuoiah, numei sunga hing pieng in atapa ang sawlta a. Tuakhu dan thupieh nuai aum zousie tatdoh a, adeitel tate ahing hitheina ding uh ahi.”(Gal.4:4-5) achi I mu hi.

Tuajiehin, I Mangpa Jesu khu thakhat a hing pawng pien leh peimai ahisih a, Pasion silguot kum tamtah nuo a hing tangtung ahi chi ithei ding uhi. Awle, tuni Jesu hing peina ding a khawvel kisingsah dan tuomtuomte igen ding uhi.

1) Leitung Vaihawmna lam ah (Politics): Jesu hing pien lai in Greekte leh Romte khun Khawvel pumpi ah vai ahawma, tuachin a lenggam uh zong atung ding uhi. Thamlou in, tuahun lai in Rom mite chilou khawvel vaihawmna lam ah theitham aum sih chithei ahi. Tulaitah

uh ngaidam ahi (atonement). Hinanleh thuhuntha sungah Jesu Khrist in tahsa mama a khelna thawidamna ang bawl chieng in khelna sopsieng guoh hitalou in tatte (Redeemed) Heb. 9:12 tualeh silsiengte (cleaned) John 1:7 ahizaw tahi.

Pasion i kunguah um a chipen khu kumtawn siltup hing tahsuona, ami siemte setan solna a khelna zieh in ana taangta nanuleh Ama khu sa a hing piengin mihing bang in ang um doh hi. (Phil 2:5-8) tammi khu ahi Immanuel.

2. Immanuel -I kunguah Pasion a um chi Pasion hagau siengthou dei umtah in ang umpina ang kiphohsah hi. Ei hundam tate i unpi’n (Khrist pumpni) khat a um ding in hagau khat a baptis in i umta (I Kor. 12:13). Tua hundam tate mama khu hagau siengthou a chiemte te ihi uhi (Eph.1:13). Tuaziehin eite khu Khrist haguesiengthou teenna Inn ihi uhi.

I Mangpa Jesu Chrisst mama in nuazuite kungah taga ding in hing peisan vawtsih vang achi hi

(John.11:18). Pasion siltup leh Jesu Khrist nasep khu leitung a Jesu khu tahsa a hing pieng a Kross a shibei mai hilou in Immanuel Pasion a hina tunitan a gingtute zousie kungah a hagau siengthou a umpina zong ahi.

(a) Suhgentheina ah, Pasion tahsa ahing suoh a Immanue ang hina khu beimai hilou in kumtawn in ama (Pasion) khu amite kungah a um zel ding ahi. Genthei tah a i umlai bang in zong Khrist in ang umpi hi. Immanuel Laphuohtu khat sawltah ahi tai in miten zintun ding zong phallou in mi innlum (Mangvang) lah vel ah a gieh akichi hi. Manipur a Pasion thu ang lut chillai in miten Paisan aphohkhavawtsih uhi. Hinanleh tam mipa khu Pasion in a umpi a, tuasang a hamsa leh genthei tah a a thuohlai in ‘Sunni tumlou Zion Khopi’ chi laa mitha a mu in ang phuohkhie a, tunitan in (North East) singtangmite lah ah laa ngai leh deihuoi tah ang hita hi.

Bible collge ahte, nichin i neh itah zonna ahte, Pasion thu i gennate, gamdang a

Bible Study

Immanuel

(I kung uah Pasian a um china)

- Upa Khupsuankham
Contributing Editor

Bible: Mathew 1:23 'Nungah siengthou khat hing gai van, tapa khat hing nei van, Ama khu IMMAANUEL kichi ding hi' (Tua khu Pasian eite toh a umkhawm hi china) ahi.

Thumapui: Hoina zousie a dim Pasian siengthou chitna, hoinate zieh a tunia nang leeh kei 2011 kumtawp a hing dingsah Pasian kungah nuomthu itut masa uhi. Mi nempiten tampi kumtawp tungzoulou a, hanmuol a liem nua un nang leh ken tammi hun imu uh khu i hoi zieh i phat zieh uleh midang sang a imigit zieh ahisih a, Pasian hing umpina zieh ahi, chi ithei uhi.

I Bible taang tel khu taang kilah tah, sim utpen leh ang hamuontu pen ahi hi. Pasian khu hagau ahia, koiman i mun gaisih uhi. Hinanleh Pasian mutheilou hagau khu tahsa a hing

suoh in, thu khu tahsa in ang piching hi. Tua hagau tahsa a ang suohna Pasian khu sa a ang pienna (Incarnation) ahi. Mathew 1:23 ah imu uhi. Tuami ni leh ahun thu ah Khristmas chia min vaw in ama Khristiante a ding in tahsa guolnopna pawl bawlna thupipen ang hita hi. Hinanleh eima Khristiante lah ma ah Khristmas chi umzie bang e chi zong theilou a, a suutdan ding zong ngaisut vatehlou mi nempu um ding in zong ka gingta hi. Vansawltah ten nausen hing pieng ding ahi chi toh kizom in amin ding a gen a tuami khu Immanuel (tuakhu i kung uah Pasian a um china) ahi. I kung ua Pasian a umna in bang phattuomna hing tun e chi saulou in kikum vai.

1. Immanuel: Pasian i kunguah a um chi in hundamna ang kiphohsah hi. Thuhunlui hun in khelnate thawi ahi chieng in i khelnate

a USAte din mun toh akibang diing hi.

Tuaban ah Lengpa Emperor Ceaser Augustus in (BC 31-14AD) sung a vaihawm sung in Rome lenggam ah khantouna leh kihenna (change) loupitah in aum a, tuakhun mipite ading in galmuonna leh zalenna ang tun hi. Tuamai banah vaihawmna puophat ahia, agam pumpi Senatorial Provinces Imperial Provinces akhen ahi. Tualeh lengpa Alexander khun Jesu hing pienna diing leh ashi a thokia thu kipahhuoi mi zousie kung a genkhieh ahitheina diing in agam bung tuomtuomte ah vaihawmtu akoi chiet hi.

Tuaban ah, Juda Maccabees in, Plastine gam a Judate khu a saltannna ua pat in suohtatna atansah zou apat in, Judate'n kum 100 sung vingveng Gentailte kunga sia (Tax) ana pieh zing uh khu atawpsanta uhi. Tuaban ah tua hunlai a Rom lenggam kivaipuoh dan khu :-

- (a) Rometen khawvel pumpi khu athunuoi uah akoi uhi.
- (b) Tuakhu Jesu Khrist

khantanhoi thu puongzahna diing leh vashuh vahtou diing a hun lemtang tah ahi hi.

2) Judate'n Messialametna leh a zalenna uh: Vangsiet huoi tah in Judate'n ama uh kivaihawmna (Political Independence) BC 63 in Rome General Pompei khut ah ana mansuohta uhi. Tuami a kipat in amauhte khu Rome kumpi in a awpkhumta a, tuachiin hamsatna na menlou athuoh uhi. Rome kumpi nuoi a a umuh kiningtel leh chimtah nanleh uh hatna toh bangma abawlthei sih uhi.

Tuabang dinmun ngiem leh hamsatah a aum lai un, zawlneite genlawh bang in "Kumpi Messiah" hing pien diing tungtawn a zalenna leh suohtatna amu diing uh kinepna lientah nei in angahla mama uhi. Ahin khenkhatten ngah zoulou in helna ang panta ua, (Zealotten), Rome kumpi khu angdouta uhi. Tuaban ah, Pharisaiten ahi kia leh Messia ang pei diing a, hagau lam halna ang bawl diing in a lam en uhi. Tuabang lam etna tuomtuom anei lai un, khawvel hundampa

diing ahing piengta hi. Herod thupi (The Great) guot in aum hi. Tuabang hun nuom leh vanglai ni khu historiante'n "Pax Romana" (The Roman Peace) chiin kichiemte hi.

3) Kikawmtuona (Communication): Tualehlampi khu hoitah in kisiel a, khoneu leh gam ningkawi tanpha in lampi hoi anei chiet hi. Tuaban ah Rome kumpi in lampi bawl diing nasem mi asing-asang anei ua, tambang lampi kibawl na khu Rome Engeneeringte nasep loupitah khat ahi. Tuachiin, ni danglai in "Khawvel a lampi zousie Rome khuopi toh akizawp" achi hi.

Tuaban ah, gamsung khopi lamlien leh tuipite vengbit diing in sepai zong kining ching tah in akoi hi. Tualeh gamsung leh sepai lam puona diing in solkar sia (tax) tampipi khu adongkhawm hi. Tuatoh kisai gambuppi ah kisimpina (Census) aum zelzel hi.

4) Lungsim lah (Intellectual) ah: Greekte khu Politics lamah musit huoi nanleh uh zong lungsim ngaituona lam ah asang mama uhi. Mediterranean tuipi kimvel gamte khu Greekte

tawndan in a thuzaw siengphiel chi diing ahi. Tualeh Greek Philosophy in mite ngaituonate luodim in, nguntah leh chitah a silbawl sutna lamah akhanglou sah mama hi. Thamlou in, Greek ham (Koine Greek) khu leitung pumpi hamzah (Common Language) ahia, tulai i sapham uh toh kibang hi.

Tamte khu khantanhoi genzahna diing a vanzah poimaw tah ang suohta hi. Tualeh Philosophytuomtuom in lungkimna leh hamuonna sang in silte piengsahtu Pasian khu koi e? Chite thei utna apiengsah semsem hi. Tuabanga hagau lam mittawtna leh bil bingte kunga khantanhoi thu gen diing in hundampa ang pieng hi.

Tualeh Romete kikawmtuonna lam a maw apuoh bang in, Greekte zong lungsim lam kikawmtuona lam ah mawapuo uhi. Tualeh Hebrewte khu Juda sakhuo Mosi dan pieh in aum uhi. Tuakhu Jesun ang khanletpi hi. Tua Mosi dan khu Pasian hing kilahna masa ahia, ahin abukimna khu Mangpa Jesu khantanhoi Gospel ah ahi.

keijieh a tambang a kingaangiem tah a hing pienna a lamdang in lungsim a phawng hi. Nang leh keijieh in mihingten i koi ngiem ma ma uh gan inn ah ang pieng a gan annkuong/gankuong ah sial in ang um hi, nang leh kei ang itna jieh in tam leitung ah a siem sa tui du in a ki kou a, nang leh kei ang it jieh in asiemsa mihing ten bawlsie, jep, chilphi in shina mulkim huoi leh mihing teng teng in a ut lou leh a simmaw sing Kross ah a hing shi ahi. Tu tung Khristmass ah tamte ngaisut in Pasian a ding in kipieh na tha toh Krismass zang va ui.

TAPA PIEH A IUM NA SAN A LOUPI HI: Eima deitel na ma ma a Pasian dan i bawtsiet ua siemlou tan sah a i um lai ua tam siemlouna, sietna a pat a hing tan dawh ding a Pasian in a tapa tang neisun leitung a ang sawl a. Ama jal chau ah mihing ten hundam in i um thei ahi. Damna tanchin hoi pie in i um ta tuachin eiten "Eden kot khah a ki hong kia ta; lut un Zion khua

a vah ta," chin la i sa thei ta uhi.

TAPA KHU I GING IN I PAWM DING UHI: Pasian in a tapa hing pieh khu mi teng teng a ding i chi ta uhi. Ahin tam khu ama gingu leh pawmte a ding ahi deu hi."Koijong ama ginta khu siemmaw tan sah in a um non sih ding a koijong a ginta lou khu siemlou tan sah in a um ding hi, Pasian ta tangkhat neisun a gin lou jieh in," (John 3:18) Ama i naithei leh i gintat theina ding in Pasian lam tuam tuam in mihing te khung ah ang ki lang hi. Tu Khristmass a vang atapa zang in eite lah ah a hing ki lang ta hi. Hebrai laithon gieltun "Pasian nidang lai a hun tuomtuom leh lam tuomtuom a guolnei tungton a ipu ipate kung a thu a na genpa in. Tam nikhuo ah a tapa in eite kung ah thu a genta hi..." (Heb.1:1) chin a na gen hi. Tuni ei te kung ah a tapa in thu a hing gen ta hi tuajieh in Tapa pieh i hina lawching sah ding in tutung Khristmass ah ki singsa va ui.



siengthou Mary kung ah a sawl a tuachin vansawltah in “Mary jausin Pasian deisah na natang hi. Tualeh nau napai na ding a ta na nei ding a amin JESU na hisah ding ahi. Ama milien ahing hi ding a Tumgnungpen a tapa a ki chi ding hi, tualeh Mangpa Pasian in a kung a pa David Mangtoupah a pe ding hi. Tualeh Jacob hah le suonte tung ah kumtawn in vaiahwm ding hi (Lk.1:30-33) chia a gen khu i mu uhi.

MI TENG TENG A DING IN TAPA PIE IN I UM TA: Jawlnei Isai in hagau mit a amu nua kum 700 jou vel in Bethlehem bawng in simmaw huoi tah mun ah atah a mu thei in tapa pie in i umta ahi. Bethlehem khuo pulam a lei belampu simmaw huoi leh kingiem khiet ma ma te kung a Mangpa Jesu pienthu puon in a um ta ahi. Tam in mihing kiliansah, kithupisah, kibawltheisah, kivaihawmsahte kung a Jesu a pien theilou ding dan leh mi jawng leh simmaw huaite a ding a jong hing pieng ahi dan a en sah ahi tua leh suolam mipil te kung a ahsi lamdang tah a Jesu pienthu

theisah in a um kia a tam khu Jesu a pilpen leh haupen te a ding a jong pieng ahi dan a en sah ahi. Tuachin Jesu Khrist khu leitung a ajawng leh amawpen apat ahau leh a pilpen te a ding a jong hing pieng ahi thu a en sah ahi hi. Tapa Jesu Khrist khu leitung mi teng teng a ding a hing pei ahi.

AHING PIE DAN A THUPI HI: Ipu ipa te thupi “neh chiet nuom puoh chiet jang”ana chi te uh i et chieng ei Zoutate pen silpieh ngaisang ihi i chi thei ding hi. Min sil ang pieh chieng in a kipah huoi a tua leh neisun i kipieh khu i kipah dan a danglam tuam ma ma ahi. Pasian in a tapa neisun nang leh kei a ding a ang pieh phalna in a itna a lungsietna a loup i dan a en sah a atah lang hi. Ajiehpen Pasian in khovel a it sengsenga tuachin atapa tangkhat neisun a pie hi. Koipou ama gingta in amanthat lou leh kumtawn hinna anei theina zawhna ding in”(John 3:16). Unau tuni i lungtang gil ah ngaisun lei pasiante Pasian, lengte Leng, Lalte Lal, van leh lei leh asung a sil um zousie siempan nang leh

Tualeh Thuhunlui in Mangpa Jesu hing pien diing agenlawh khu, Thuhuntha ah ang bukimta hi.

5) Pasian Mizah Lengpa Alexander: Pasian in Babylonte suah-le-sal a Israelte kum 70 sung aum laiun, amauhte puidoh ding in gingloute Leng Cyrus azang hi. Tuabang in Krist Khantanhoi puongjah na ding in gam khat leh gam khat leh ham khatte kijahtua a, kitheituona ding in mihat, silbawlthei leh loup i Alexander khu Pasianin atel in azang hi.

Tuachiin, Lengpa Alexander in agam lahna leh avaihawmna sung teng ah Greek ham, literature leh atawndan uh nasatah in akhangsah hi. Tuachiin, Greek ham khu leitung pumpiah thezaah in aumta a, tuachiin Judaten zong ang theita uhi. Alaibute uh zong Greek ham in ang let ua, tam Greek ham apat in Pasian thu khu ang theita uhi. Ajieh ahileh Thuhuntha khu Greek ham agelkhieh masah pen ang hita hi. Tuachin, Jesu Khantanhoi khu gamchin munchin a mite theithei ding in akithejahta hi.

6) Khotang (Social) dinmun ah: Tuahun lai in Rom lenggam khu galmuong in um nanlehzong, mihingte hinkhuo ah sietgawpna tawpkhawh atung a, mihoi gen ding mawngmawng aumsih akichi hi. Rom.3:10-18 a kigen, mi zousie hiemngam leh numei pasal kal ah thangatna in adim ua, suoh-le-sal in akinei ua, Azawng ahau khu kideidang in, taga-meithaite simmawna a uang mama hi.(Rom.1:18-32) Tuabang lawmlawm a khotang hinkhuo asietgawp lai in, liengvaite, saltangte leh migentheite hundampa diing in Van apat in “Zingsol Ahsi” ahing tangta hi.

Thamlou in neh-letah ah zong angiem mama uhi. Mithum vahlah ah mi ni khu khutdaw ahi akichi va ia hi. Tuabang a umlai in zong Kumpi kungah sia (tax) tampi pi apia ua, lungkham leh puohgi neitah in a khosa uhi. Tuat hunkhie ding in Mihing tapa ahing piengta hi.

7) Biehna lam (Religion) dinmun ah: Rome gamsung a teng ten apalsan sih uleh “Sakhuo zalenna” pieh in aum

uhi. Ahin, Rome sepaiten a suhgentheina te uh lungsim ah a Pasion uh muongzawlouna ginlelna apiengsah nah mama hi.

Tualeh Rome miten zong angaisang mama uh, nidanglai a aPasiante uh tawpsan a Rome kumpi shisate leh damlaite biehnna “Emperor Worship” ang panta uhi. Tuaban ah sil dang tuomtuom biehnna leh lunggulna anei ua, tuakhun hagau lam dangtahna tahtah apethei dieh sih hi. Tambang alungsim beidong leh hagaulam dangtah a mite aumlai un, damsah thei diing Pasion alunggul vungvung lai un, “lungdamthu gen diing in” Pasion tapa Jesu Khrist khu sawl in ang umta hi.

Tualeh Rom kumpiten Pasion dinmun a din sawm a aumlai un, mite lungsung ah Pasion banga ngaituona aneisah zousih uhi. Tuachin, Pasion tahtah lunggulna ang neilaw ua, tuachin Pasion tahtah Mangpa Jesu Khrist khu ang kilangta a, tuakhun hagau dangtahna zousie asubei in lungmuonna leh kipahna aneita uhi.

8) Palestine gam leh aumna

mun: Misiemte gendan in Palestine gam khu khovelpumpi a diing a mun laizangpen ahi achi uhi. Thamlou in Asia, Europe leh Africa te laizang ah zong aum hi. Tuajieh in, Pasion in khovel kawllkilli a khantanhoi puonzah ahitheina diing in, Atapa pienna diing in tam Palistine gam khu angtel ahi.

Tualeh singtang gam lou i bawl chieng un zong alai ah Bu i bawl ua, tuakhu a kim apamte etkolna dia i bawl deu uh ahi. Tualeh Pasion in akhantanhoi, na sem diing in Isreal Namte khu hingtel doh in mawpuohna pieh in aum uhi. Tuniin zong Pasion Atapa pien thu puongzah diing in eite angtel tuom a, Atapa pienna diing in natahsa tung alai zangpen na “Lungtang” adei hi.

9) Thukhumsin: Awleh, I Mangpa pienna diing a theikhol leh theikhollou hi zong leh tambang lawmlawm a kisingsahna khawvel in aneilai in, eite ama zui, Khristian kichite khun bangzata i kisingsah uh angai diei? Tualeh i hundampa eite tan diing a hing pieng

diingpa khu bang chi in i lam dawn diei? Tualeh khawvel ah piengsah ta in. Mangpa’n pumpi Jesu lamdawn diinga, simtute zousie hing guolzawl kimansa aum bang in nang taken.

Christmas Sermon

- Rev. Lamsuanthang
Moderator, ZPCS

TAPA PIEH IN I UMTA (Is.9:6-7; Lk.2:8-14)

JAWLNEITE GENLOH DAN: Jawlnei Isai in Jesu Khrist pien masang kum 700 lai vel ah “Nungah siengthou khat a gai ding a tapa a nei ding a amin Immanuel ahi ding” chin a na tangkoupi ta hi. Tam mai hi lou in tam a gen sang a ki naw jaw deu in leh ngah la jaw hi leh kilawm in “Ajiehpén ei a ding in naupang a pienga tapa pieh in i umta hi; a liengkou ah vaihawmna a kinga ding


a tua leh amin lamdangpa, thumoppa, Bangkim bawl thei kumtawn pa, Lemna Mang aki chi ding hi,” chin jawlnei in hagau mit a amu khu a puang ahi (Is.9:6). Tua leh jawlnei Jeremia leh Ezekiel ten jong David suon apat leng ang pieng ding a pilvang tah in vai ahawm ding chi a na gen uhi (Jer.23:1-8; Eze.34:23-24). Zakaria in sabengtung nou tung a atou ding tanpha a na gen hi (Zak.9:9).

VANSAWLTAH GENLOH NA: Galili gam a kho khat Nazaret ah Mangpan a Vansawltah Gabriel nungah





DECEMBER, 2011



The Editor
Khristian Tangkou
ZPCS Office, Zomi Colony
Churachandpur - 795 128
P.O. Box - 48, Manipur, India
e-mail:zpcs@rediffmail.com

To

Edited and Published by the Editor on behalf of the Zou Presbyterian Church Synod

Khristian Tangkou

Vol. No. 37 || Issue No. 12 || December,2011

Editorial Board

Editor : Rev. Stephen Chinzathang
- 9863042789
ct_stephen@yahoo.com

Joint Editor : Rev. P.C.Manga - 9856130542

Cir. Manager : Mr. Jamsianmung - 9862086615
sianmung@rediffmail.com

Bus. Manager : Rev. Kamkhosoi - 9436665591
pastorkamsoi@gmail.com

Cont. Editors : Upa S.K. Khama - 9856406454
Rev. Awnkhankhup - 9862828921
Rev. Lamsuanthang - 9862072683
elasty@rediffmail.com
Rev. Thangboi Khuongsai
- 9402735675

ZOU SYNOD ULIENTE

- Moderator:
Rev. Lamsuanthang
- Moderator Elect:
Rev. Tualzachin
- Secretary Sr.:
Upa Tualkhanpau
- Secretary Jr.:
Upa Nengchinkap
- Treasurer:
Upa M. Kamzadou
- Statistician:
Upa T. Lamkothawng
- Exe. Secretaries:
Rev. Stephen Chinzathang
Rev. P.C. Manga

Copies - 1000

AMAN

Kumkhat ah	- ₦	40/-
Post ah	- ₦	50/-
Copy khat ah	- ₦	3/-
Life Member Fee	- ₦	600/-
Patron Member Fee	- ₦	1000/-
Memorial gift	- ₦	1500/-

A sung thu

- Editorial01
- Thu Tuomtuom.....03
- Report04
- Hundamna leh gingtu
hinkhuo Crusade06
- Jesu Khrist Hing Pienna
Dinga Khawvel Kisah-
khawldan18
- Christmas Sermon.....13
- Bible Study:
Immanuel16
- Dohna leh Dawnna19
- ZPWF Column.....20
- Innsung a Hiemngamna
Suhvengna Di'n22

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.

PATRON MEMBER-TE

- | | | | |
|--------------------------|-----------------------------|-----------------------------|---------------------------|
| 1. Upa Gouzamang | 2. Pu Hav. Khamchinkhup | 3. Pu Khamzalam | 4. Pu Chinzasuan |
| 5. Upa Liansuanpau | 6. Pu Khamchinthang | 7. Pu S.Dalthang | 8. Upa Kapkhanthang |
| 9. Upa Langginmang | 10. Pu S. Nangkhanlal | 11. Pu S. Lamkothang | 12. Upa Dr. M. Lachinkhai |
| 13. Upa Khamchinjam | 14. Upa (L) D.K.Manlun | 15. Upa Suankhanmang | 16. (L) Upa Khupgou |
| 17. Upa Chinkham | 18. Upa Ngulchinkham | 19. Rev. Retd. V.Vungzalian | 20. Rev. Kamkhosoi |
| 21. Rev. Tualzachin | 22. Rev.(Rtd.) H. Nengzatun | 23. Rev. Awnkhankhup | 24. Rev. Hangpi Manlun |
| 25. Pu Tuanzapau | 26. (L) Rev. Ginchinjam | 27. (L) Rev. Khamzasuan | 28. Upa T. Lamkothawng |
| 29. Pu Khaichinmang | 30. Rev. Chinzathang | 31. Pu Khupkhanmang | 32. Pu Khaidohlian |
| 33. Hav. Khamzahang | 34. Pi Vungzanuam | 35. Pu T. Gouzadou | 36. Pu Liensuonkap |
| 37. Pi Zelkhochiin | 38. Pi Hatkhanvung | 39. (L) Pi Ngaihoiching | 40. Pi Mankhanniang |
| 41. Pu Goukhanmang | 42. Pi Chingzalam | 43. Pu S. Thianzakhai | 44. Pi Kamkhanching |
| 45. Pu Haukhanpau | 46. Pu Tuallianmang | 47. (L) Pu Dongkap | 48. (L) Pi Chingkhanmang |
| 49. Pi Donkhonian | 50. Upa Henzakhup | 51. (L) Pu Saichinpau | 52. Pu Goumang |
| 53. Upa Khamkhanhang | 54. Shie Laangkhanlal | 55. Pu Khamkhanlun | 56. Upa L. Tualkhanpau |
| 57. Pu Jamsianmung | 58. Upa Ginzadong | 59. Pu Kaizathang | 60. Pi Goizanuom |
| 61. Pi Thangneivah | 62. Shie Khamzathang | 63. Pi Donchin | 64. Upa Liankhanmang |
| 65. Pu Hauchinlun | 66. Pu T.S. Lal | 67. Pi Goichiin | 68. Pu T. Khupchinthang |
| 69. Pu T. Kaizalam | 70. Pu Paul Henkholal | 71. (L) Pu Soikham | 72. Rev. P.C. Manga |
| 73. Rev. T. Khamchinkhai | 74. Rev. Jamlianpau | 75. Rev. Chinzapau | 76. Rev. Kamkhozam |
| 77. (L) Upa Chinpu | 78. Pu Zamkhanthang | 79. Pu Chinglen | 80. Miss Chinhaunieng |
| 81. Upa P.K. Soia | 82. Pu Goukhai | 83. Pi Niangkhanmang | 84. Evan. G.L. Joshya |
| 85. Pi S. Chingkhanmang | 86. Pu Vumchinkhup | 87. Upa Khaihenthang | 88. Upa T.C. Pau |
| 89. Upa Nengchinkap | 90. (L) Upa Jamkhongam | 91. Mrs. Vahkhohling | 92. Pu Hauliankap |
| 93. Pi Chinnu | 94. Pu T. Kuppa | 95. Upa T. Gougin | 96. Pu Ginsuanhau |
| 97. Pu L. Langminthang | 98. Rev. David K.Samte | 99. Upa T.S.K. Samte | 100. Upa S.K. Khama |
| 101. Pu Jamkhopao | 102. Pu Thathang Taihul | 103. Pu Kamkhankap | 104. Bhim Prasad |
| 105. Rev. M.Kapsuanthang | 106. Rev. Khupkhansuan | 107. Nu Chingneikim | 108. Pa L. Langminthang |
| 109. Pi Chinnu | 110. Pu Hauliankap | 111. Nh. Deborah Zou | 112. Pu Kamgenpau |
| 113. Rev. Mangsuanthang | 114. Pu Lamchinhou | 115. Upa Pauchinlel | |

LIFE MEMBER-TE

- | | | |
|----------------------------|--------------------------|-----------------------|
| 01. (L) Upa T. Khupkhenpau | 02. (L) Pu M. Ginzahau | 03. Pu Selzapau |
| 04. Pu L.C. Pautungnung | 05. (L) Pi Khamkhanniang | 06. Pi Ngaiunuom |
| 07. Pu Chinsuanthang | 08. Pu Shanti Kumar | 09. Pu Kamkhohau |
| 10. (L) Pu Khamkhohau | 11. Upa Khamzathang | 12. Upa Chinkhanthang |
| 13. Pu Tongzathang | 14. Pi Chiinneilam | 15. Pu Kulthang |

Printed at: M/s Thawnsaau Printing Works, Zion Street, Churachandpur, Manipur